



Bréf Bjarna varðandi málið og um rangsleitni Carls Löve 4. Nóvember 1936

Bjarni Benediktsson – Stjórnmal – Byggingarfélag Alþýðu – Húsnæðis kaup – Carl Löve

Tekið af vef Borgarskjalasafnsins

bjarnibenediktsson.is

Einkaskjalasafn nr. 360
Stjórnmalamaðurinn
Askja 2-1, Örk 4

© Borgarskjalasafn Reykjavíkur

Reykjavík, 4. nóvember 1936.

./.

Hjer með leyfi jeg mjer að senda yður, háttvirtí herra, afrit af brjefi mínu til stjórnar Byggingarfélags Alþýðu, dags. í dag. Jafnframt hefi jeg sent bæjarstjórn Reykjavíkur afrit brjefsins til þess að hún geti gert ráðstafanir út af málinu, ef henni svo líst, þar sem málið liggur svo fyrir, að jeg hefi ekki vald til frekari aðgerða.

Virðingarfyllst

Til

hr. S. Carls Löve,

Reykjavík.

Reykjavík, 4. nóvember 1936.

Svo sem yður er þegar kunnugt af brjefi mínu, dags. 11. júlí þ.s., og allmörgum samtölum mínum við formann yðar og ritara, hefir herra S. Carl Löve ítrekað kært til mín sem eftirlitsmanns Reykjavíkurbæjar með Byggingarfjelagi Alþýðu og borið sig upp undan órjetti, er hann telur yður hafa sýnt sjer við úthlutun íbúða í hánnum nýju húsum fjelags yðar.

Út af þessu vil jeg taka fram, eftir að hafa athugað gögn þau, er þjer hafið bæði skriflega og munnlega látið mjer í tje til upplýsingar málinu, að mjer virðist nokkuð á skorta um fullnægjandi greinargerð af yðar hálfu um það, hvenær og í hvaða rök þessum ábúðum hefir verið úthlutað. Auðsætt er, að bæjarfjlagið, sem styrkir starfsemi yðar verulega, hefir beinna hagsmuna að gæta um það, að hlunnindum þeim, er fjelagið veitir, sje úthlutað eftir þeim reglum, sem settar eru í samþykktum yðar og eiga að koma í veg fyrir, að persónuleg eða pólitísk vild eða óvild raði úthlutuninni. Af þessu leiðir aftur, að af bókum yðar verður að sjást, hverjum hver íbúð er úthlutað, hvenær það er gert og af hvaða orsökum þeir, sem síðar standa á fjelagsskrá eru teknir fram yfir þá, sem á undan eru. Sjeu þessar upplýsingar ekki fyrir hendi, er ómögulegt að dæma um rjettmæti þeirra ásakana, sem koma fram um, að settum reglum hafi verið fylgt, og er slíkt jafn óheppilegt fyrir alla aðila, þann sem kærir, yður og bæjarfjlagið.

Rjettmæti þess, sem nú var sagt sjest berlega við athugun á kæru hr. S. Carls Löve. Út af fyrir sig mun það ekki verða með

rökum á talið, að þjer settuð honum skilyrði um sjerstaka ábyrgð fyrir síðari greiðslum, og ef hann hefir ekki verið búinn að fullnægja þessu skilyrði, þegar síðustu úthlutun íbúðanna lauk, sýnist þjer ekki með rjetti verða ásakadir um rangsléitni í hans garð. En gallinn er sá, að af upplýsingum þeim, sem þjer hafið gefið mjer, er ekki mögulegt að sjá hvenær hverri íbúð var úthlutað nje hvenær úthlutuninni yfirleitt lauk. Af samtali mínu við ritara fjelags yðar, hr. Guðmund Pjetursson, skildiðst mjer meira að segja að einni íbúð a.m.k. hafi án nokkurra sjerstakra ástæðna verið úthlutað til manns síðar á fjelagsskrá en hr. S. Carl Löve, eftir að hinn síðarnefndi þó var búinn að fullnægja settum skilyrðum. Taldi ritari yðar í samtali við mig, að þetta væri heimilt vegna þess, að hr. S. Carl Löve hafi engan rjett til íbúðar í þetta skifti, þar sem hann var ekki búinn að fullnægja settum skilyrðum hinn 15. júní s.l. Þessi skilningur fær þó ekki staðist eftir 10. gr. samþykka fjelags yðar. Herra S. Carl Löve átti vitanlega fullan rjett til jafns við aðra fjelagsmenn eftir að hann var búinn að fullnægja skilyrðunum. Hafi jeg því skilið orð ritara yðar rjett sýnist að þessu leyti hafa verið gengið á hluta hr. S. Carl Löve. Nú má vel vera, að ^{hjer hafi} einhver missögn af hálfu ritara eða misskilningur af minni hálfu átt sjer stað, eða að fullnægjandi ástæður hafi verið fyrir því, að þessi maður, sem jeg minnist ekki hvað hr. G.P. sagði að hjeti, var tekinn fram yfir hr. S. Carl Löve. Fyrir allt slíkt væri girt ef fullnægjandi bókhald væri um þessi atriði eins og jeg benti áður á. Vil jeg því alvarlega beina því til yðar, að þjer framvegis hafið um þetta betri reglu en verið hefur, svo að unt sje með samilegri vissu að átta sig á, hvort settum reglum er fylgt um jafn þýðingarmikið atriði og þetta.

Jafnframt þessu vil jeg taka fram, að hr. S. Carl Löve hefir með brjefi 28. okt. s.l. enn ritað mjer og kærir nú að hr. Sigurði Guðnasyni, Bergstaðastræti 29 hjer í bæ, hafi verið úthlutað íbúð í húsum þeim, sem fjelag yðar er nú að reisa, þó að nefndur Sigurður hafi ekki verið fjelagsmaður fyrr en á síðustu stundu og hafi því engan rjett til að koam nú til greina við úthlutun íbúða. Óska jeg eftir upplýsingum frá yður um þetta hið fyrsta.

Afrit af brjefi þessu mun jeg senda til bæjarstjórnar
Reykjavíkur og til hr. S. Carls Löve.

./.
Endursendi hér með plögg þau, er ritari yðar lánaði mér.
Virðingarfyllt

Til

stjórnar Byggingarfelags alþýðu,

Reykjavík.